



UNIVERSITÄTS-
BIBLIOTHEK
PADERBORN

Universitätsbibliothek Paderborn

Rei Poenitentis Simplex Et Hymnis Confessio

Coloniae Vbiorm, 1645

CAP. LV.

urn:nbn:de:hbz:466:1-10133

CAP. LIV.

HAc igitur spe erectus ego infelix homo, omnium, quos terra sustinet, sceleratissimus, genibus humi positis, ad misericordia tuae pedes advolvor, orans atque obsecrans, ut sis mihi adjutor, atque operi manuum tuarum porrigas dexteram. Absolve, Domine virtutum, absolve opus, quod inceperas, intermissum odio & malignitate eorum, quorum omnis opera in eo labefactando destruendoque consumitur. ne patiaris, ædificium, tibi excitatum paratumque, draconum, serpentium, leonum, atque omnis generis ferarum, usibus cedere. non permittas, tot ingentia tua beneficia, tot labores, tot anteactæ meæ vitæ fructus in irritum cadere. ne, quæso, hanc illis voluptatem objicias, quibus nihil est antiquius, quam me in eandem cum ipsis ruinam attrahere. Audivi de quibusdam maximis peccatoribus, quod, tuo munere immutati, repente summorum Sanctorum merita exæquassent: adscribe me ad illorum numerum: vel, si non est mihi fas, tantum optare, saltem ex improba atque execrabilis peccantium turba in postremum servorum tuorum numerum transfer; ut, tibi immutatus, Davidicum illud cantem: Nunc coepi; hæc mutatio dexteræ excelsi.

CAP. LV.

ID si tuo munere impetravero, ac duobus illicis defensoribus, quos dixi, munitus ero, quamvis consistant adversum me castra, non timebit cor meum; quamvis exurgat adversum

C

me